

Domino abo memory

Kopěrowanska předłoha za domino abo tež memory natwari na džěłowy material „Islam“ za katolsku nabožinu w 6. a 7. lětniku na Serbskim gymnaziju a w serbskich srjedžnych šulach, kiž wuńdže w lěće 2006 w Rěčnym centrumje WITAJ. Tež wobrazy džesać hrajných kartkow k wšelakim čezišćam islama jewja so w džěłowym materialu. Hra słuži refleksiji kaž tež skrućenju a pohłubšenju wědy. Material je dodawk ke kartkam za domino abo memory k temam nabožiny 5. a 6. lětnika, kiž buchu w Serbskej šuli č. 1 w lěće 2005 wozjewjene. Z nětko cyłkownje 28 hrajnými kartkami je domino hra za maksimalnje tři wosoby. Wučer njech rozsudži, hač spasla sej šulerjo wobrazowe dominowe kartki z tekstom (předłoha nalěwo so wužiwa) abo z krótkim hesłom (předłoha naprawo so wužiwa). Zo by so to hodžało wariěrować, je wobraz srjedža narysowany. Wobrazy předstajeja dožiwnjenja, nastajenja a nazhonjenja husto lěpje hač słowa. Wobrazy zaryja so hłuboko do pomjatka, rěča direktnje a zmóžnja spěšnje kontakt k předstajenemu problemej. (Warianta hry, hdyž wužiwa so wona jako domino z wobrazkom a hesłom: tekstowe kartki wotměnjejo z hromadki čahnyć a dominowym kartkam přiřadować).

Nawod za domino

Wumoluj wobrazki!






Nalěp łopjena na papjerc a wutři haj kartki za domino!

Zahraj sej hru z partnerom/partneromaj! Přečitajtej/přečitajće sej tekst, za kotryž so wobraz pyta, wotměnjejo mjez sobu!


Takle so hraje:

- Położ zakryte a derje měšane kartki na blido!
- Rozdžěl kartki: Pola dweju hrajerjow dóstanje kóždy hrajer 7 kartkow; pola třoch hrajerjow dóstanje kóždy hrajer 5 kartkow.
- Kóždy hrajer dźerži kartki tak, zo druhi do tutech hladać njemóže. Zbytnje kartki wostanu zakryte.
- Kóstkujće abo wuličće, što smě započec!
- Přeni hrajer wuzwoli sej kartku, kotruž wotpožiči.
- Přichodny hrajer ma nětko dvě móžnosći za „připožjenje“: wotpowědny wobraz abo tekst.
- Jenož na kóncomaj smě so připožič, při čimž smě kóždy hrajer w kóždym kole jenož jednu kartu připožič.
- Štóž nima wotpowědnu kartku, dyrbi sej zakrytu kartku wzać. Njemóže wón přeco hišće připožič, je přichodny hrajer na rjedže.
- Dobył je tón, kiž je jako přeni bjez kartkow.

Jeli chceš hru pozdžišo jako memory hrać, potom přetři haj dominowe kartki!


<p>Pěskowe stepy Arabskeje běchu lět-tysacy dołho wotležany džěl swěta. Tute běchu žiwjenski rum Beduinow, kiž jako nomadojo w rodžinach k městnam z wodu ćahachu. Najwjetšu zhromadnosć tutych rodžinow tworješe kmjen. W Mekka knježachu bohate rodžiny kmjena Koraišow, kiž wuspěšnje wikowachu.</p>		<p>W Arabskej pusćinje</p>
<p>Kaaba je jědnaće metrow wysoka „kóstka“ w srjedžišču wulkeje mošeje w Mekka. Twar ze šěreho kamjenja ma płonu třěchu. Do twara wjedže drjewjany schód, dokelž su durje we wysokosći dweju metrow.</p>		<p>Kaaba w Mekka</p>
<p>Měnjenja wo Mohammedže běchu počasu rozdžělna. Mohammed přědowaše wo jednym Bohu, přěd kotrymž su wšitcy jenacy. Wón tež praješe, zo maja bohaći chudych podpěrować. To so wězo wjednikam Koraišow njelubješe. Mjez nimi a Mohammedom wudyri wulke njepřećelstwo. Tuž rozsudži so Mohammed, město Mekka wopuščić.</p>		<p>Hedžra Mohammeda</p>
<p>Najwjetši swjedženje islama je wulki woprowanski swjedženje. Spomina so na pruwowanje Abrahama, kotryž měješe swojeho syna Ismaela woprować. Znaty swjedženje je cokorowy swjedženje. Z tutym zakónči so póstny měsac ramadan. Mevlid kandili je jedna z pječ swjatyh nocow. W tutej nocy wopominaja muslimojo narod Mohammeda.</p>		<p>Wažne swjedženje islama</p>
<p>Islam ma pječ hłownych kaznjow. Zakład prawidłow žiwjenja je wěrywuznaće. Pječ razow wšednje ma so muslim modlić. Jałmožnu dawać je prawidłowna winowatosć. Dalša winowatosć je posćenje w ramadanje. Jónu w žiwjenju ma kóždy muslim do Mekka putnikować.</p>		<p>Pječ stołpow islama</p>

Pječ razow wšědnje ma so muslim modlić: před schadženjom słońca, připołdnju, popołdnju, po chowanju słońca a do spanja. Před modlitwu so muslim wumyje a džiwa na čistu drastu. Za modlitwu samu je čiste městno trěbne. Tam, hdžež runje je, połoži matu abo přestrjenc za modlitwu.




Modlitwa muslimow

Wjace hač milion muslimow putnikuje kóždy lěto do Mekka. Jednotna běła drasta za čas putnikowanja zběhnje wšitke rozdžěle mjez ludźimi. Putnicy kroča sydrom razow wokoło Kaaby, přebywaja w stanach při horje Arafat a mjetaja kamuški do třoch kamjentnych stołpow. Putnikowanje zakónči so ze swjedženjom, na kotrymž wopruja putnicy wowcu.




Putnikowanje do Mekka

Pjatk zetkawaja so wěriwi muslimojo k připołdnišej modlitwje w mošeji. Do mošeje směš jenož boso zastupić. W kóždej mošeji je móžnosć za rituelne myće do modlitwy; husto je to studnja na dworje. Z klětki słyša muslimojo narěč. Imam pokazuje modlenske zwučowanja a nawjeduje wosadu. Mošeja njeje jenož rum modlenja, ale tež zetkanišćo muslimow.



Mošeja – zetkanišćo

Domizna islama su kónčiny džensnišeju krajow Arabska a Jemen. W Arabskej ležitej měsće Mekka a Medina. Pozdžišo přiwza tež ludnosć w Persiskej, Syriskej a Egyptowskej islam. Islam so dale rozšěrjowaše.



Domizna islama

Islam je hač do džensnišeho hłowna nabožina na arabskej poškupje a wupřestrěwa so sewjernje hač do Israela, Syriskeje a Turkowskeje. We wuchodže je islam hłowna nabožina w Iranje, Afghanistanje a Pakistanje a samo w Indoneskej. Z Egyptowskeje rozšěri so islam dale na zapad, tak zo je cyły sewjeroafriiski rum islamiski.



Hłowne kraje islama džensa